

Brjef landshöfðingja til amtmannsins í suðuramtinu og vesturamtinu, um **75**
 endurgreiðslu á veittum sveitarstyrk. — Með þóknanlegu brjefi, dags. 23. apríl þ. á. 9. júní
 hafið þjer, herra amtmaður, beiðzt úrskurðar míns um ágreining milli yðar og amt-
 mannsins í norður- og austuramtinu um endurgreiðslu á sveitarstyrk, er stúlkunni Jó-
 hönnu Jónasdóttur hefur verið lagður í Þorkelshólshreppi í Húnavatnssýslu síðan vorið
 1886. Um sveitfesti tjeðrar Jóhönnu hefur verið ágreiningur, en samkvæmt niðurlagi
 nefnds brjefs yðar eru nú báðir amtmennirnir ásáttir um það, að hún sje sveitlæg í
 fæðingarhreppi sínum, Breiðvíkurhreppi í Snæfellsnessýslu, þareð hún, eins og þjer
 takið fram, hvergi með dvöl sinni samfleytt í 10 ár eptir 16 ára aldur hefur unnið sjer
 sveit. Ágreiningurinn er þannig eingöngu um það, að hve miklu leyti Breiðvíkur-
 hreppi beri að endurgjalda styrk þann, sem Jóhönnu og óskilgetnum börnum hennar
 hefur verið veittur í Þorkelshólshreppi.

Hreppsnefndin í Þorkelshólshreppi hefur gjört kröfu til endurgjalds á styrk, er
 Jóhönnu var veittur fardagaárið 1886—1887 og árin þar á eptir handa börnum hennar,
 og hefur amtmaðurinn í norður- og austuramtinu haldið þessari kröfu fram, en þjer
 hafið mótmælt því, að Breiðvíkurhreppi sje gjört að borga nokkuð af þeim kostnaði,
 er áfallinn er í meðgjöf með börnum Jóhönnu frá krossmessu 1886, unz endilegur úr-
 skurður fellur í þessu máli, en sveitarstyrk þann, sem kann að verða lagður henni
 eptir þann tíma, teljið þjer Breiðvíkurhrepp eiga að borga eptir rjettum reikningi.

Eptir skjölum málsins verður það að vísu ekki álitid, að styrkur sá, sem lagður
 var fram af sveitarsjóði Þorkelshólshrepps fardagaárið 1886—1887 hafi í sjálfu sjer verið
 ólöglega veittur eður án þess full þörf hafi verið fyrir hendi, en aptur á móti verður
 það ekki rjettlætt, að framfærslusveit Jóhönnu, Breiðvíkurhreppi, hefur ekki verið gjörð
 nein vísbending um hinn veitta styrk eða nein krafa gjörð um endurgjald fyrir en
 haustið 1887; þá fyrst, 17. október, ritaði sýslumaðurinn í Húnavatnssýslu sýslumannin-
 um í Snæfellsnessýslu um málið, og er þessi dráttur því ástæðulausari, sem rjettarpróf
 hafði verið haldið 31. maí 1886, um verustaði Jóhönnu, og var þá þegar komið fram,
 hvert hreppsnefndin átti að snúa sjer. Með því að hreppsnefndinni í Breiðvíkurhreppi
 þannig ekki hefur verið gjört löglega aðvart um ómaga þá, sem sveit hennar átti í Þorkel-
 shólshreppi fyrir en 17. okt. 1887, þá verður hreppnum ekki gjört að skyldu að endur-
 gjalda þann styrk, sem lagður hafði verið fram til nefndra ómaga fyrir þann tíma, en
 á hinn bóginn finnst engin ástæða til að Þorkelshólshreppur standi straum af ómögum
 Breiðvíkurshrepps eptir þann tíma, eða meðan mál þetta hefur dvalizt og gengið frá
 einu úrskurðarvaldi til annars, og ber því að skylda Breiðvíkurhrepp til að greiða Þor-
 kelshólshreppi eptir úrskurðuðum reikningi, allan þann styrk sem tjeður hreppur hefur lagt
 Jóhönnu og börnum hennar síðan 17. október 1887 til þessa tíma.

Þetta tilkynnist yður hjermeð, herra amtmaður, til þóknanlegrar leiðbeiningar
 og frekari birtingar og til þess að þér annist um, að hin úrskurðaða greiðsla fari fram;
 jafnframt skal þess getið, að jeg hefi tilkynnt amtmanninum í norður og austuramtinu
 brjef þetta.

Brjef landshöfðingja til biskups um niðurlagning tveggja kirkna og bygg- **76**
 ing nýrrar kirkju á Sauðárkróki. — Samkvæmt tillögum yðar, herra biskup, í þókn- 20. júní
 anlegu brjefi, dags. 10. p. m. og eptir að löglegt samþykki hjeradsfundar er þar til

76 fengið, vil jeg hjermeð eptir ósk hlutadeigandi safnaða, samkvæmt 4. gr. í lögum nr. 20. júní 3, 27. febr. 1880, sbr. ráðgjafabrjef 5. maí 1887, veita leyfi til:

- 1, að kirkjan að Fagranesi í Skagafjarðarprófastsdæmi verði lögð niður.
- 2, að kirkjan að Sjófarborg í sama prófastsdæmi verði einnig lögð niður, þannig að kirkjueigandi haldi sem sinni eign kirkjuhúsinu og sjóði kirkjunnar, eins og hann hefur verið í nýliðnum fardögum, en prestsmatan, 60 pd. smjörs, hvíli að sjálf-sögðu á jörðinni Sjófarborg eins og hingað til;
- 3, að byggð verði í stað hinna þannig niðurlögðu kirkna ein nægilega stór og sæmi-leg kirkja á verzlunarstaðnum Sauðárkróki fyrir núverandi Fagraness og Sjófarborgarsóknir; skulu þeirri kirkju lögð áhöld (ornamenta og instrumenta) hinna niðurlögðu kirkna, svo og tekjur Sjófarborgarkirkju frá fardögum 1891 og sjóður og hús Fagranesskirkju, og verði hin nýja Sauðárkrókskirkja í umsjón og ábyrgð safnaðarins, er leggur fram hið nauðsynlega fje til byggingarinnar.

Þetta er yður hjermeð þjónustusamlega tjáð til þóknanlegrar leiðbeiningar og frekari birtingar.

Auglýsing

77 11. júní um breyting á yfirsetukvænnaumdæmum í Þingeyjarsýslu, (sbr. stjtið. 1889 B, bls. 149-151).

Samkvæmt ályktun amtsráðsins í norður- og austuramtinu 4. p. m., nær hjer eptir 8. yfirsetukvænnaumdæmi Þingeyjarsýslu yfir Þóroddstaðasókn í Kinn og Nessókn að undanteknum Skógum í Reykjahverfi, sem fylgja 7. umdæminu (Húsavíkurhrepp) og 9. umdæmið yfir Helgastaðaprestakall og Grenjaðarstaðasókn, að undanteknum bæjunum Brekknækti, Reykjum, Holtakoti, Þverá og Heiðarbót, sem fylgja 7. umdæminu.

Íslands norður- og austuramt. Akureyri 11. júní 1891.

J. Havsteen.

78

Ágrip

af reikningi landsbankans 1. apríl—30. júní 1891.

	Tekjur:	Kr.	a.
1. Í sjóði 1. apríl		156,665	33
2. Borguð lán:			
a. Fasteignarveðslán	kr. 6,296.99		
b. Sjálfskuldarábyrgðarlán	-- 7,542.37		
c. Handveðslán	— 1,080. >		
d. Lán gegn ábyrgð sveita og bæjarfjelaga	— 26.35	14,945	71
3. Fasteign lögð bankanum út fyrir láni að upphæð.		2,600	>
4. Vixlar innleystir		25,030	>
5. Ávísanir innleystar		554	32
6. Vextir		8,076	19
7. Diskonto		753	07
8. Fasteign tilheyrandi bankanum seld		2,600	>
9. Ýmislegar tekjur		449	58
		Flyt: 211,674	20